

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-507-4/22**
Datum: **18.10.2022. godine**

«Agencija za vodno područje rijeke Save» Sarajevo rješavajući po zahtjevu Investitora Muharema Požegića iz Kalesije za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića u naselju Donje Vukovije, općina Kalesija, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Investitoru Muharemu Požegiću iz Kalesije daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 25.000 pilića/turnus, izgrađenog u naselju Donje Vukovije, na zemljištu označenom kao k.č. broj: 2702/1 K.O. Vukovije, općina Kalesija.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.3. Da se u roku od 3 (tri) mjeseca od dana pravosnažnosti ovog Rješenja izvrši izgradnja vodonepropusne armirano-betonske lagune za privremeno odlaganje prostirke i đubriva. Potrebno je proračunati zapreminu lagune na način da se obezbijedi zrenje đubriva prije konačne aplikacije na poljoprivredne površine. O realizaciji ove tačke Rješenja, podnosilac zahtjeva dužan je da obavjesti ovu Agenciju.
 - 2.4. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.5. Otpadne vode koje nastaju u toku pranja objekta nakon završenog turnusa, prikupljati u trokomornu betonsku septičku jamu bez preliva koja će se redovno čistiti.
 - 2.6. Čišćenje i pražnjenje trokomorne betonske septičke jame bez preliva može vršiti isključivo firma ovlaštena za tu vrstu djelatnosti, prema posebnom ugovoru.
 - 2.7. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 2.8. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.

- 2.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
- 2.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor Muharem Požegić iz Kalesije, dana 03.10.2022., podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 25.000 pilića/turnus, izgrađenog u naselju Donje Vukovije, općina Kalesija, na zemljištu označenom kao k.č. broj: 2702/1 K.O. Vukovije, općina Kalesija.

U provedenom postupku dostavljena je i pregledana sljedeća dokumentacija:

- Kopija lične karte;
- Kopija Rješenja o odobrenju za izgradnju broj: 02/2-1-23-2-2458 donesenog dana 27.09.2018. godine od strane Službe za prostorno uređenje, geodetske i imovinsko-pravne poslove Općine Kalesija;
- Kopija rješenja o okolinskoj dozvoli broj: 12/01-01-23-6931/18 od 10.05.2018. godine izdato od strane Ministarstva prostornog uređenja i zaštite okolice Tuzlanskog kantona;
- Glavni projekat – farma koka nosilja, urađen od strane „ATRIUS PROJEKT“ d.o.o., Živinice, april 2018. godine;
- Glavni projekat – farma koka nosilja, urađen od strane „ATRIUS PROJEKT“ d.o.o., Živinice, maj 2018. godine;
- Glavni projekat – dogradnja poslovnog objekta, urađen od strane „ATRIUS PROJEKT“ d.o.o. Živinice, februar 2015. godine;
- Glavni projekat – snabdijevanja vodom i dispozicije otpadnih i oborinskih voda stambeno poslovnog objekta, urađen od strane „ATRIUS PROJEKT“ d.o.o. Živinice, april 2018. godine;
- Izvještaj o reviziji glavnog projekta urađen od strane „TQM“ d.o.o. Lukavac, august 2018. godine;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-507-2/22 od 11.10.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat farme za tov pilića izgrađen je u naselju Donje Vukovije, općina Kalesija. Na lokalitetu se nalaze 2 objekta/hale za tov brojlera.
- Objekat II je kapaciteta 25.000 pilića/turnusu.
- Vodosnabdijevanje objekata se vrši iz lokalnog vodovodnog sistema.
- Prostirka i đubrivo, koje se prikupljaju nakon završenog turnusa se odvoze i odlažu na poljoprivredne površine.
- Otpadne vode koje nastaju na predmetnoj lokaciji su vode od pranja opreme i objekta za tov pilića, koje se prikupljaju putem slivnih rešetki i kanalizacionom mrežom odvođe u trokomornu betonsku septičku jamu bez preliva. Čišćenje i odvoz taloga iz septičke jame vrši se od strane komunalnog preduzeća.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je fizičko lice Muharem Požegić, ispunilo minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-507-3/22 od 12.10.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Prilog:

- Glavni projekat – farma koka nosilja, urađen od strane „ATRIUS PROJEKT“ d.o.o., Živinice, april 2018. godine.
- Glavni projekat – farma koka nosilja, urađen od strane „ATRIUS PROJEKT“ d.o.o., Živinice, maj 2018. godine.
- Glavni projekat – dogradnja poslovnog objekta, urađen od strane „ATRIUS PROJEKT“ d.o.o. Živinice, februar 2015. godine.
- Glavni projekat – snabdijevanja vodom i dispozicije otpadnih i oborinskih voda stambeno poslovnog objekta, urađen od strane „ATRIUS PROJEKT“ d.o.o. Živinice, april 2018. godine.
- Izvještaj o reviziji glavnog projekta urađen od strane „TQM“ d.o.o. Lukavac, august 2018. godine.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- Muharem Požegić, Donje Vukovije bb, 75265 Tojšići, Kalesija
- AVP Sava, ISV-vodna knjiga
- sektor 50
- Sektor 40 – arhiva
- oglasna ploča – AVP Sava